



Нови Сад
Божовићева ул. 2

Поштарина плаћена у готовом

РУСКИ НОВИНИ

ЗА РУСИНОХ У КРАЉОВИНИ СХС

Виходза раз у тижню.
Цена на цали рок 100 Динари.
На 1/2 рока 50 Динари.
За Америку 4. долари на рок
Рукописи и други писма треба
посилац на адресу:
"РУСКИ НОВИНИ" НОВИ САД
Божовићева улица број 2.
Претплату на РУСКЕ - НАРОДНЕ
ПРОСВИТНЕ ДРУЖТВО, РУСКИ
КРСТУР (Бачка).

Рок IV. | Нови Сад, штварток 24. марта 1927. | Ч. 12 (119)

Просвита розума и шерца.

Три су главни моћи душевни, котри управљају нашим животом, а то су: розум, воля и чувствия. Же би ше наша душа розвила, и же би ми у живоце могли коньчиц векши и важнйши дїла, треба да ше у нами развию, отховаю тоти три сили, котри су безсомнєно од велькей важности за каждого човека.

У нашим просвитним настаянью треба, да полагаме особиту повагу на тоти три важни и розлични чловечи душевни моћи.

Просвита з гљадом на тоти душевни сили човека у главним два дївствия ма на човека: едно дївство на розум, и по тим и на волю, друге заш на чувствия, а по тим и на волю, и з гљадом на то чловеческе просвитне дївствованє розпада ше на два часци: знаносц и уметносц (художество).

А тоти два конари просвити повязани су и цокапчани зос вельома и силнима животворнима жилами.

Так ето просвищеносц єдного човека указує ше у першим шоре у його знаню, у його способносци розсудзованя, у сили и развитосци способносцох його розума, же би ше тота душевна моц у човека, котра ше вола розум, виховала и до велького степену розвила, за то треба велького труда и усиловносци; бо душевни сили у човеку подобни на тїлесни: лєм теди напредую, кед добиваю добри и здрави пожиток, и кед ше хасную, иньшак слабя и препадаю.

Алє не треба думац, же знанє човеково є єдине, котре му потрєбне, же би бул просвищени, на жаль

єст вельо людзох, котри маю незвичайно вельо знаня, незвичайно вельку способносц розсудзованя, а ипак вони дзиви, може буц дзивиши од людзох, цо жию у пралесох и котри немаю нїякого знаня.

Знанє єст сила и моц, котру каждє чувство муши припознац.

Но гоч знанє яка велька сила и моц, само по себе воно недостава за просвищеносц людзох.

Човек, кед сце буц човеком треба, да розвие шицки своје сили, а особено своје душевни сили; бо баш по своїх душевних силах вон ше розликує од других существох у тим вельким швецє, котри го обколешує.

Треба дакле не лєм да ма знаня, алє и да ма моцну волю, и да ма чувствия, котри му буду живот полєпшовац и добробитиє його унапредзовац; да ма дзєку, котра зна цо сце, и котра ма одредзену циљ, да дїла человек во буду на хасен йому самому и його блїжнїм; дзєку, котрей є циљ доброта, праведносц и правда (истина), и краса.

Чувствия човеково треба да помагаю дзєку чловечу гу єї циљ, од котрей ше вона не шме одклонїц. Шицко дїланє човеково преплєпєне є зос чувствиями; вони су у души чловековой як сок (юшка) у кореньох и жилох ростенийох. Вони треба да помогню дзєки, да виполнї того, цо розум винашол и спознал за добре.

Јасно дакле од якей велькей важности за просвищеносц людзох, да будзе и их душевна моц вољи и и чувствийох правилно розвита и одхована. Кельо єст

случаї, же у човеку єст знанє, алє нема у себе волю за добрим и чувствия його преполнєти з мержню, зависцу, пакосцу и другима злами, котрим нет коньчини. Јаки хасен такому од його знаня? Воно є як оружие у рукох дзєцка.

На жаль у днєшне време єст вельо людзох зос вельким знаньом, алє истино просвищених єст мало. Мало єст просвищених у шерцу.

Јак видзїме вопрос просвищованя човека є од

велькей важности. Моци чловечей души розум, воля и чувствия од велькей су важности по способ чловечого живота; душа так ведно звязана з целом чловечим, же єдно през другого не могу напредовац. Зато од велькей важности и за наших земледїлцєх.

При тим не забудзме: просвита наша най не будзе лєм просвита розума, алє и просвита шерца. Бо лєм теди будземе истинно просвищени.

М. В.

У нашом отечеству

Политическе положєнє

У парламенту ше претресую бюджети поєдиних министериох. Против министра Б. Максимовича придала опозиция тужбу, котру подписали 51 посланик. Иншак до коначного вигласаня бюджета не треба очековац важнйших собитїох. Вельку бригу задава нам непорядок у Албанїї дзе Италија ма своје пальци. Француски новини пишу, же ше Југославия находити у таким истим положєнью у jakim ше находзєла Сербїя пред 13 роками лєм цо место Австрија ступела Италија, котра сце Југославию обколїц и сциснуц, да ше не може розвивац. —

Пут його Велич. Краля

Прешлого тижня поврацел ше його Вел. Краљ зос Румуниї до Београду и путує до Паризу у политических длужносцох.

Знїжени цени на железницох

Министерия саобрачаю надумала знїжити теразшнї

цени на железницох за III. и II. класу, бо су найсце превельки.

Нашо и Аргентинске жито

Того мешаца приду до Ческей вецей транспорти жита зос Аргентини, а Чески новини пишу, же то прето, бо зос житом з Југославиї мали горке искусствїє. И так ето пре нашу недзбалосц страциме таку добру конту яка була Ческа.

Нови вагони

Засиданїє заступникох страних державох одредзєло, же нам Мадярска муши предац 1500 терховни вагони.

Радио-концерти на наших железницох

У найблишем часу заведу ше и на наших железницох радио-апарати на швидких поїздох у I. и II. класи так же путуюци буду мочи слушац приемни концерти з цалого швета.

Полегченє у порцийох

У новим державним бюджету котри и так за вель-

людзе уча, же нет души лем цело, а кед би не було души теде цело човека або вола сведно. Таку науку чули и цигане па думали себе: кед шлебно забит овцу або вола, чом би було не шлебно и човека

Фабрикація отровних газох у Русії

По вистох, котри приходза з Русії будує ше вельки фабрики за вирабяне отровних газох и то у телім числу, як нїгдзе на швецѣ. Випатра, же ше большевики озбыльно готую, на войну.

Чудесне явленіє природи

У держави Чиле при варошу Копігйо при трешеню жеми догодзело ше цошкаль, од чого ше жителе позлєкали. Цали еден брег, коло котрого чече рика почал ше помали дзвигац и спущовац, док го цалком нестало. Дораз, по тим натала експлозія, дзвигла ше вода и у рики настало острово 300 метери длуго.

Пошвечене нового пращевского владики

На 25 т. м. одбудзе ше торжествене пошвечене нового владики епархії прашевской О. Павла Гойдича. По жаданю св. Оца пошвечене ше ма одбуц на гробу св. Кирила у церкви св. Климента. Пошвечовац будзе наш владица преосвя.

Діонисій зос ище двома владиками.

З церкви справели танечну салу

У єдним англійским месце, у котрим не мали потребну салу за тавьци, замодлели лутеранского папоца да им да церкву. Вон им то наисце и зробел. И так ше у тей лутеранской церкви тераз наказує, танцує и пив вино и пиво. Так то дзе нет у церкви Христа.

Єдли меса од мачкох

У таліянским варошу Парма влапела полиція вельо месарох, котри предавали месо од мачкох. Вони мишали месо од мачкох зос заяцами и рибама. Дахто знал за тоту роботу, але худобни человек, цо зна — купел, а у Таліяна добри жалудок.

За два дні з Лондону до Индії

У тим мешацу почну лециц на крилатици два англійски пилоти з Лондону до Индії. Вони думаю прелєциц тот простор, котри виношує 3000 килм. за 48 годзин. Кед ше им уйдзе, то будзедо тераз найшвидше лецене.

Дзецко з трома главами

У валале Зволини у Польскей породзела єдна жена дзецко, котре мало 3 глави. Дзецко жило лем три годзини.

вельких Святителох католицкей церкви.

Вони даваю прекрасни приклад так християнским хлопом як и християнскей младежи.

Св. Кирил єст найкрасши приклад школней младежи. Вон у своєй младосци у найвекших небезпеченствох остал чисти и невини. Бул першим учеником своего часу, але и перши у смиреносци. Бул одлучни и полни апостолского духа.

Християнска младежи, почитуй св. Кирила!

2. По отвитованю св. Кирила и Меодія модліме од Бога, на нам наша вира будзе силна и постояна.

Св. Кирил и Методій научовали лем єдну виру, слухали лем єдну церкву. Робме и ми так!

Св. Кирил и Меодій поволую нас своїм прикладом, да їх наслідуєме у їх апостолскей работи около соединеня шицких Славянох у правей Церкви Христовой. Кого Бог на тоту службу вола, най послуха глас Божи. Бог му за то наградзи у небе.

Вельки Папа Лев XIII. так прегваря гу нам:

„Шицки най почитую и модля св. Кирила и Меодія, же би по ласки, яку маю у Господа, заступали по шицких восточних державох Християнство, же би католиком вимодлели витревалоц у вири до конца, а несоединеним волю, да ше собдиня зос Церкву Христову.“

3. Наш богослужни язык, нашо християнске виховане непрестано нам пригадую наших просвитителюх и Апостолюх. Так язык як и наша просвита

Зос наших валалох

Руски Керестур

Церковни Одбор отримал редовне рочне главне засиданіє у церковней зборниці 6. марта 1927. року, на котрим були присутни цали церковни одбор и преко 50 парохиянох.

Понеже по пропису було досц присутних Преч. О. Михайло Мудри председатель отворел засиданіє на котрим ше пречитали рочни рахунки. Засиданіє прима рахунки.

Преч О. Мудри дзекує шицким на труду и завера засиданіє.

II.

Церковни Одбор видал

на явней лицитації билене и реперацию парохиялней Церкви. Роботу вжал и. подузетник Ј. Баслер зос Сомбора, но зос нїм ведно буду робиц нашо керестурски майстрове. Робота ма буц готова до 15. мая, да за кирбай, кед ше зиду шицки нашо мили госци зос других крайох Церква будзе у найвекшим шоре.

Зос Р. Н. П. Д.

На фонд Руских Новинох даровал п. Яким Колесар дзияк у Бачинцох 20 дин. Подзековане.

Шветочни отпочивок

Недз. 3 пост.

ЕВАНГ. МАРК. ГЛ 8. ЗАЧ. 37. Рече Госпоь иже хоцетъ по мнѣ ити, да отвержесе себе, и возметъ крестъ свой, и по мнѣ грядетъ. Иже бо аще хоцетъ душу свою спасти, погубитъ ю; а иже погубит, душу свою мене ради и Евангелія, той спасетъ ю. Кая бо польза человеку, аще приобрящетъ миръ весь, и отщтитъ душу свою, или что дастъ человекъ измѣну на души своей; Иже бо аще постыдится мене, и моихъ словесъ въ родѣ семъ прелюбодѣйиѣмъ и грѣшнѣмъ, и Сынъ челоувѣческій постыдится его,

єгда придегъ въ славу Отца своего со Ангелы святыми. И глаголаше имъ: аминъ глаголю вамъ: яко суть нѣци отъ здѣ стоящихъ, иже не имутъ вкусити смерти дондеже видятъ царствіє Божіє пришедшее въ силѣ.

Слухаме нєшка ясно зос св. евангеліи, же Г. наш Исус Христос захтева, да го людзе на тим швецѣ явно величаю и признаваю. „Хто ше мнє ганьби и мови бешеди на тим швецѣ, того не признам ані я, кед придзем судзиц живим и мертвим.“

О, яка важна правда за наш живот. — Не може ше спашиц человек котри таї свою виру до Ис. Христа на тим швецѣ. Гоч

пригадую нам кажди дзень, яка наша вира и котрей ми Церкви дзеци.

24. Апостолат св. Кирила и Меодія.

Жалостни церковни раздор, котри ше започал у IX столітїю, а докончел у XI., нікому тельо не почкодзел, як самим Славяном. Греки одорвали од Церкви Христовой Славянох. И днешка єст вецей як 100 милиони несоединених Славянох, а око 40 милиони соєдинених.

Вселенски Архиереї непрестано ше стараю около того, да соєдиня шицких зос Церкву Христову. А хто їм найвещей муши у тим помагац? Без каждей сумні ми католики восточного и западного обряда. И католики Славяне уж давно основали на Велеграду Апостолат Св. Кирила и Меодія под охрану Пренепорочней Диви Маріи.

Циль того Апостолату єсть тота иста, яку мали св. Кирил и Меодій, кед пришли медзи Славянох:

„З молитву и з ділами милосердія подпомагац тото шицко, цо може утвердзиц св. виру и живот по вири медзи Славянами.“

„Молитва и милостиня то два кридла, на котрих леци евангелски глас по швецѣ,“ гуторел вельки Словенски владица Сломшек.

би може буц тайно и признавал Христа; гоч би му ше модлел, гоч би Го верел, гоч би Го у шерцу славел — шицко би було даремно, кед би ше ганьбел пред людзми його мена, вири, евангелиї, церкви.

Кеди человек на тим швейце исповидуе и признава Христа?!

Геди, кед ходзи до Церкви!

Церква е тогто знаменє, по котрим ше познаю прави християне: дзеци божо! Не може ше волац и буц Христовим человеком, тот человек, цо не ходзи до Церкви, хто од ней сцека, хто ю занедзба и запущи. Не може ше волац чєсним Християнином тот человек котри не слуша заповед Христову и не идзе за нїм: н. пр. хто ше не идзе до церкви споведац, або примац тїло и крєв Христову, бо Христос Г. приказал, да то людзе творя: „Имже одпустите, отпустятея им. — Примите ядите“. Воистину! добри ше катона аж на войни позна, добра газдиня у обисци, судия на судзе, и т. д. а добри християнини ше препозна по тим, же любви ходзи до церкви у каждей возможней згоди. Христос вирек: „Не тоти поїду до Царства, хтори лем воздихую у себе: Господи, Господи! але тоти, цо твоєя волю Оца мойого Небесного“!

Ето, ясно в, же маме буц

прави практични християне на тим швейце, кед сцеме буц божии людзе, практични зме пак, теди, кед ведно з Церкву живме, з Церкву умераме!

У початку християнства жил у Риме сл. ученьяк Викторин, поганїн. Раз почал читац св. евангелию. То му ше так почело, же почал кричац: и я християн, и пошол гу християнскому Владикови, да го приме за християна. На то го владика поволац, да ходзи до церкви на християнски богослужєня. А вон одповед: Цо церква, то мойо шерцо и разум! Нач ми з каменю и з мурох збудоване место?! — И так зохабел шицко. Але го совист цагала гу Христов и далей, и кед вон раз заш читал нешню Евангелию: „Иже постидїтєся мєно и моїх словєс...“, нараз скочел и бежал до церкви гу християном и почал ше модлїц: „Оче наш“ — и знїма славиц Бога; Радосно гуторел: „Тєраз ше я аж осєтям правим християном, кед з вами ведно славим Бога у св. церкви: у дому божим и пред шицкими людзми признава Исуса за свойого Пана!

Най ше история нашого живота започина и кончи зос церкву и у церкви. „Блажени живущий во дому твоєм.

Мих. Мудри

Нашо претплатнїци

На 1927. рок обновили свою претплату слїдуюци п. п.: Янко Тимко, Бачинци, 100 д. Никола Козар, Р. Керестур, 100 д. Янко Арваї, Пишкорєвци, 100 д. Янко Лусканци, Беркасово, 100 д. Гд. Янко Колєсар, Коцур, 100 д. Янко Канюх,

Р. Керестур, 100 д. Петро Колбас, Дюрдьов 50 д. Дюра Баков, Дюрдьов 100 д. Янко Арва, Дюрдьов 50 д. О. Алекс. Абодич, парох, Ст. Врбас 100 д. Бєсермени Тимко — Билня, Америка 950 д. Янко Надь, Америка 500 д. Земледїлска Читальня, Коцур 100 д. Евген Планчак, Бачинци 50 д.

Нашим предпланїком

Понеже ферталь рока уж прешол о-поминаме и модлїме шицких наших предплатнїкох най посилаю предплату. Нєш-кайшому числу приложели зме чеково упутници, да кажди легко може послац свою претплату. Хто уж намирел свойо длуство най затрима Чеково упутници за другираз.

Управа Р. Н.

БЕРЗА

Берлин 1 злата марка	13.46 д.	20 златних корун	190.—
Будим. 100.000 мадь. кр.	79.—	10 „ „	95.—
Италия 100 лира	251.—	Сеферин	400.—
Букарест 100 лей	32.—	Дукат	100.—
Лондон 1 фунд. штер.	275.25	1 круна у сребру	3.—
Нью-Йорк 1 доллар	56.58	5 „ „	15.—
Париз 100 франки	224.24	1 форинт	6.—
Праг 100 Чес. кр.	167.65	7% держав. позичка за 100 динара ном.	70.— дин.
Акциї З. К. Б. Д. Д.	325.—	2 1/2 % ратна штета за 1000. дин. ном	290.— дин.
Швайцарска 1 франк	10.97	За злато и за вредносни папери плацаю банки потполни курс, а за валути о даскельо повна менєй.	
Виден 1 шилинг	8.—		
Наполендор 1 ком.	190.—		

Тарговина

Жито	312.— Д
Кукурица	170.—
Хмель	10—11.000 „
Мука нулерова	426.—
„ хлебова	420.—

Млеко литра	3—4.—
Качки	35—60.—
Гуски клокани кг.	65—90.—
Говедзина	16 20.—
Швиньске мєсо	20—22.—
Целечина	28—30.—
Сланїна сушена	22—25.—

Читайце „Руски Новини“

Број 465./1927.

ОГЛАС!

Даје се на знање да ће се у месту Пишкорєвци среза Баково обдржавати

ГОДИШЊИ ВАШАР

и то: на 25. марта (на ркт. Благовјест) 1927. робени и марвени вашар. — На 5. августа марвени вашар, а на 6. августа робени вашар. — На 7. новембра марвени вашар, а на 8. новембра т. г. робени вашар.

Сајмиште се налази тик зидане државне цесте према Врпољу.

Товарна жељезничка станица налази се у месту у даљини 1 клм.: станица Будровци-Пишкорєвци. А исто се налази и товарна жељезничка станица у Врпољу на главној држ. прузи Загреб-Београд и Осиек-Шамац у даљини 3 клм. на држ. цести из Пишкорєваца.

Према тому може се разноврсно здраво благо дотерати на означени дан вашара у Пишкорєвце са ваљаним марвинским путницама.

Поглаварство управне опшине
у Пишкорєвци, дне 15. сијечња 1927.

Начелник:
ВРТАРИЋ, в. р.

Биљешник:
ЈАНКОВИЋ, в. р.

Каждому Русини треба знац,
же лем у

Штефана Нярадія

(Дзвонарчиного)

у Руским Керестуре

мож достац вшелїяки еспап за

Ш М А Т И.

Зос вельких ческих и бейчких фабрикох предава женски и мушки штофи, фини зефири, канаваси, плиши глатки и квитовани. Найновотейши атласки хусточки зос плишовима кветами и веньцом наоколо.

МОЖ ДОСТАЦ

ГОТОВИ ШМАТИ

за хлапцох и за мали дзеци,

особено добри баршоньово **панталони.**

Шицко по найтуншей цени.

Хто пазари у ньго голєм за 250 Д. готови пенєжи, достає задармо лутрийову нумєр

СВОЙ ГУ СВОЙОМУ!